



# Պարույր Սևակ

## Աստժո քարտուղարը

Ձորակն ասես լինի մի նեղ թանաքաման,  
Ու նրա մեջ շեղ տնկված է հին ջրվեժը՝  
Այնպե՛ս նման փղոսկրրե գրչակոթի:  
Կողքին՝ մի դաշտ քառակուսի և գույնզգույն,  
Ասես մի մեծ նամականիշ, որ կնքված է  
Դեմի լեռան մեծ դրոշմով...  
Եթե բառերն էլի՛ բռնեն  
Իրենց նախկին իմաստների տեղը լքված,  
Եթե բայերն իրո՛ք դառնան գործողություն,  
Ածականներն իրոք դառնան հատկանիշներ շոշափելի,  
Ինչպես որ, տե՛ս, այս հին հողը  
Եվ քարքարոտ այս լեռները  
Հիմա կրկին՝  
Միջնորդությամբ ամառնացող արեգակի՝  
Իրենց նախկին - հրահեղուկ շեկ ջերմության  
Գեթ մի մասն են վերստանում,  
Եթե նաև ե՛ս մոռացած շլինեի  
Շատ հեռավոր նախնիներիս առողջ լեզուն,  
Որ ամեն բան կոչում էր միշտ իր անունով,  
Ուներ խոսքեր ոչ թե մաշված ու լայրժուն՝  
Ինչպես ողորկ գետաքարը,

Այլ սրակող և արյունող՝  
Ինչպես ցասկոտ որձաքարի թարմ բեկորը...  
Ա՛խ, թե լինե՛ր,  
Այսպե՛ս լինե՛ր,-  
Ես համարձակ կմեկնեի հիմա աջրս,  
Կխլեի փղոսկրը այդ գրիչը,  
Թաթախելով  
Նեղլիկ ձորի շրջադարձող սահանքի մեջ՝  
Ճերմակ - փրփուր այդ թանաքով կգրեի,  
Թավ անտառի միատարած մուգ կանաչի լայնքի վրա,  
Կգրեի հին գրքացի՛ - կախարդի՛ պես,  
Կգրեի  
Հնամենի մի հմայի՛լ,  
Հուռու՛թք մի հին,  
Որ... չի՛ կարող չկատարվել:  
Ու... երկո՛ւ բառ կգրեի ընդամենը.  
«Տենչա՛մ գրեգ»:  
Կգրեի՛,  
Տեղն ու տեղն էլ կվառեի՛,  
Որ երկինքը  
Չոհի ծխի խաբկանքն զգար,  
Ու ծխայիր այդ տենչանքով նաև ի՛նքրդ...  
Այնժամ նորից գրչակոթը  
Կվերածվեր հին ջրվեժի,  
Թանաքամանն անմիջապես ձոր կդառնար,  
Դաշտ կդառնար նամականիշն իսկույնսեթ,  
Ու չէր լինի լեռը դրոշմ:  
Բայց բառե՛րը  
Կմնային նո՛ւյնքան սուրսայր ու սրակող,  
Հնչյունի տակ իմաստները չէի՛ն մեռնի,

Ուստի ինքս էլ կդառնայի մի բանաստեղծ  
Կամ... հի՛ն աստծու նո՛ր քարտուղար...

23.III.1964թ.

Դիլիջան